



Iluarsartuussinermut kontop itisilenera

04. marts 2015

Sagsnr.

Dok. Nr.

Postboks 1037

3900 Nuuk

Tlf. (+299) 34 50 00

Fax (+299) 34 63 50

E-mail: oed@nanoq.gl

www.nanoq.gl

Førtidspensionsreform

Siusinaarluni pensionisianut iluarsartuussinerup piviusunngortinnissaa ukiunik tallimanik ikaarsaarfeqartinneqassasoq naatsorsuutigineqarpoq.

Siunisaarluni pensionisiallit 60 inorlugit ukiullit tamarmik ukiut tallimat ingerlaneranni missoqqinneqassapput aamma sulisinnaassusaat nalilersoqqinneqassaaq siunertaralugu immikkoortumut eqqortumut inissinneqarnissaat.

Naatsorsuutigineqarpoq,

- siusinaarluni pensionisiallit 60-t sinnerlugit ukiullit, qaffasinnerusumik siusinaarluni pensionisiaqalersinneqassasut. 4,4 mio. koruuninik aningaasartuutit anner-tusissasut tagginneqarpoq.
- siusinaarluni pensionisiallit 10 %-iisa sulisinnaassusaat 2016-mi nalilersoqqin-neqarsimassaaq, 30 %-t 2017-mi aamma 2018-mi, 15 %-t 2019-mi aamma 2010-mi.
- 85 %-t siusinaarluni pensionisialittut ingerlaannassapput, taakkunanngalu 70 %-t qaffasinnerpaamik siusinaarluni pensionisiamik pisartagaqalissapput, 20 %-t pialissavaat akunnattoq, 10 %-illu appasinnerpaq.
- 15 %-t sulilersimassapput, taakku 70 %-ii ukiuni ataatsimiik marlunnut pigin-naangorsaaneq aqcutigalugu. Sinneri 30 %-t ingerlaannaq sulilissapput.
- piffissap pineqartup ingerlanerani suliffinnut eqaallisakkanut/oqitsunut tapiis-suteqartoqartassaaq

- maannakkut piginnaangorsaanernut aningaasaliissutit naammassasut taggineqarpoq, piginnaangorsaanermut aningaasaliissutit ullumikkut tamakkiisumik atorineqarneq ajormata (aamma sulilersitsiortornissamut pilersaarut takuuk).
- siusinaarluni pensionisiallit piginnaangorsarnissaannut ukiumut 3.2 mio. koruunit ikaarsaernerup nalaani aningaasaliissutigineqartassapput.
- ukiumut 1,2 mio. koruunit immikkoortinneqartassapput siusinaarluni pensionisiaqarneq pillugu maalaartarfissamut.

Akilaraarutit siuartitat

Aningaasaqarnermut naalakkersuisoqarfiup naatsorsuusiaq danskit akileraartarnermut qullersaqarfianit suliarineqarsimasoq, naatsorsorneqarsimallutik pensionisiaqalernissamut katersat tamarmik, tassani pineqarlutik katersallit Kalaallit Nunaannut akileraartussaataasut. Kalaallinit akileraartartunit danskit pensionisiaqalernissamut aningaasaateqarfiinut 2014-mi akilerneqarput 139 mio. koruunit. Maannakkut akilaraarutit annertussusaat atorineqartuuppata iluanaarutit 58 mio. koruunit nalingaat.

Aningaasaqarnermut Aatsitassanullu Naalakkersuisoq

24-02-2015

Suliap normua: 2015-111855

Oqaluuserisassani imm.: _____

Naalakkersuisunut ilisimatitsissut

Pisariillisaaneq-mik suliniutit killiffiat (ERP)

Suliniutiginiakkap siunertaa


Suliniummi siunertaq tassaavoq "... digitalikkut ataqatigiissunik aaqqiinnikkut sulinernik ineriartortitsinerit tapersorsornerisigut taamaalilluni aningaasatigut aqutsinerup aqutsisuniillu paasisutissiinernik pitsaanerulersitsineq anguneqarsinnaasunngorlugu Kalaallit Nunaanni pisortat allaffeqarfiini nutarterinissaq pisariillisaanissarlu."¹

Aningaasaqarnermik aqutsinermi atortutigut iluaqusersuutissat ullumikkut nukingernartumi inissisimasuupput. Siullermik teknikkikkut iluaqusersuutit ullutsinnut naleqqukkunnaareerput taavalu kommunini aamma Namminersorlutik Oqartussani ajortiasuullutik aammalu ingerlatsinermi aserfallatsaalisaanermilu akisullutik. Aammattaaq sulineq passussinerpassuarnik malunnaateqarpoq, iluaqutaasumik naammassisaqarfiunerulersinneqarsinnaasut. Atortunik ingerlatsineq, suliart ingerlanerisa naammassisaqarfiunerulersinneri, pitsaanerulersinneri kiisalu minnerunngitsumik aningaasaqarnermik aqutsisinnaanerinek aammalu aalajangiinissami paasisutissanik naleqarluartunik pilersitsisarnermi pitsaanerulersinnerisigut suliniutini iluanaarutissat katinneri annertussasut nalilerneqarpoq.

Manna tikillugu suliart

Suliniutit Namminersorlutik Oqartussat pilersinnerini anguniakkanik Aaqqissuusseqqinnermillu aallaaveqarput. 2011-mi aallartinnermit suliniutit ingerlanneqartuarput siuarsarneqartuarlutillu soqutigisaqartorpasuit naleqquttumik eqqarsaatigalugit. Suliniutini sukumiisunik tamanullu tunngasunik misissuinerit pisiortornissallu naammassineqareerput, taakkunani tamanut atortussat toqqarneqareerlutik pilersuisussarlu ataasiusoq nassaarineqarluni. Suliniummut manna tikillugu 11 mio. kr. missaannik aningaasartuuteqartoqareerpoq Namminersorlutik Oqartussanit aamma kommuninit akilerneqartut. Suliniutit maannakkut pilersuisussatut toqqagaasoq suleqatigalugu sumut killinneri paasinarsarneqarput.

¹ Suliniutit suliassartaannit issuaaneq



Suliniutit aqutsisoqatigiinnit aqunneqarput tassaasut Peter Hansen, Naalackersuisoqarfimmi pisortaagallartoq, Aningaasaqarnermut Naalackersuisoqarfik, Lars Dencker, Aqutsisoqarfimmi pisortaq, ASA, Lars Møller Sørensen, Aningaasaqarnermut pisortaq, Kommuneqarfik Sermersooq kiisalu Hans-Peder Barlach Christensen, Pisortaaneq, KANUKOKA. Suliniutinik aqutsisutut toqqarneqarpoq Anders Hoffgaard, allaffimmi pisortaq, Digitalimik Sullissinermut Aqutsisoqarfik. Suliniutit siuariatorneri Aningaasaqarnermut Akileraartarnermullu Ataatsimiititaliamut, KANUKOKA² siulersuisuinut taannalu aqputigalugu kommunalbestyrelsinut ingerlaavartumik nalunaarusiorneqartarpoq.

Pingaartumik pisiortornerit aammalu killiffiit paasinarsarneri pillugit.

2014-imi ukiaanerani aqutsisoqatigiit piukkunnartussarsiorput aammalu ASA-p ataani qitiusumik pisiortornermut immikkoortortaqarfik ikiortigalugu inatsisit atuuttut malillugit suliarinnittussarsiorluni. Suliame tassani nunani avannarlerni AX-leverandør, EG A/S² angusarineqarpoq, taassumalu killiffinni paasinarsaanermik taaneqartoq suliaraa. Paasinarsaanerup siunertaraa pingaarnertut isumaqatigiissutit tunngavilersussallugit, taakkulu naalackersuinikkut akuerisassanngorlugit tusarniaavigalugit juunimi 2015-imi kommunalbestyrelsinut aammalu Naalackersuisunut nassiunneqassapput. Tusarniaanerup kingorna immikkoortortaqarfinnut toqqarneqartunut juuni 2016 naatsorsuutigalugu atuutilersitsineq aallartissaaq.

Piffissamat siuariarnermullu pilersaarutit aqutsisoqatigiinnit akuersissutigineqartut kiisalu missingersuutit sippornagit suliniutit malippaat.

Suliniutit annertussusii

Namminersorlutik Oqartussat tassanilu immikkoortortaqarfiit tamarmiusut soorlu peqqinnissaqarfimmut akileraartarnermullu tunngasut ilanngullugit suliniuteqarfigineqarput. Kommunit sisamaasut aningaasaqarnermut immikkoortortaqarfii ilanngullugit aamma suliniuteqarfigineqarput. Atuisartut 4-5.000 missaanniittut suliniutinit toqqaannartumik sunnerneqassapput, immikkulu pingaartuuvoq atortunik toqqaanissaaq, suliaassanik taama imaannaanngitsigisunik siammasitsigisunillu suliaqarfusinnaasunik. Kalaallit Nunaanni innuttaasut suliffeqarfusullu piviusumik tamarmiusut atortunit attorneqassapput. AX2012 tassaavoq Microsoft-ip "suliffissuarnut" aammalu "pisortanut" suliaqarfissatut pilersitaa, taakkunani immikkoortortaqarfiit namminersorlutik arlaqartut atortussiaq ataaseq atorlugu namminneerlutik naatsorsuusiorsinnaallutik.

² EG A/S tassaavoq Nunani Avannarlerni AX-leverandørit annersaat.

Atortussamik toqqaaneq

Suliariumannittussarsiorneq sioqqullugu teknikikkut atortussaq atorneqarsinnaanerusoq toqqarsinnaanarlugu misissueqqissaarnerit arlaqartut naammassineqarput. Isumaliorluarnerit, teknikikkut misissueqqissaarnerit kiisalu kinaassusersiunngitsumit siunnersorneqarnerup kingorna Microsoft Dynamics AX2012 toqqarneqarpoq pingaarnertut makku tunngavilersuutigalugit:

- Taannaavoq tamanut atortussiaq Namminersorlutik Oqartussani aamma kommunini pisariaqartinneqartut amerlanersaannik matussusiisinnaasoq. Atortussiaq taamaalilluni pisortat ataatsimoorussamik pisariaqartitaannik kiisalu nuna tamakkerlugu paasissutissanik katersinissamut periarfissanik tapersersinnaavai (isumannaallisaaneq/sanilliussineq).
- Kalaallit Nunaanni suliffeqarfiit annersaat arlaqartut (namminersortut aamma namminersorlutik oqartussanit pigineqartut) atortussiaq taanna atorpaat, taamaattumillu taakku akuliullugit piginnaanerit siuarsarnissaat periarfissaqarpoq.³
- Atortussiaq niunermut naleqqussagaavoq, tassaasoq pisortat aamma suliffeqarfiit namminersortut ukiuni makkunani toqqartagaat.
- Tassani suleqatigiiffippasuaqarpoq taamaalillunilu inerisaaneq aserfallatsaalisaanerlu ingerlaavartumik unammilliutigineqarsinnaalluni.
- Dynamics AX tassaavoq Microsoft-ip Namminersorlutik Oqartussat Concorde XAL-iutaannut taarsiissutissaliala.

Toqqaaniarnerup ingerlanneqarnerani immikkoortortaqaqfinni tamani atuisartunik siammasissunik suliaqartunik arlaleriarluni misileraatitsisoqarpoq. AX2012 suliaqarsinnaanermut, iliuseqarsinnaanermut, najoqqutassiisinnaanermut naalakkersuinemilu assorsuaq iluarineqarpoq. Suliat tamakku AX2012-ip atuutillermisnaanik atuisunik pissusissamisoortumik ilimasulersitsilerput. Suliniutini AX2012 pissarsiarissanerlugu oqaluuseriunnaarparput – oqartarlutali AX2012 pissarsiarigutsigu.

Misissueqqissaarnermi: SAP, Microsoft Dynamics NAV kiisalu Oracle e-business suite assigiinngitsunngorlugit aamma nalilersorneqarput. Atortussiaq taakku taamaalillutik toqqarneqanngillat, AX2012-imut sanilliullugit pisortat ataatsimoorlutik suliaasaasa katinnerinut naleqqutinnngimmata.

Sumiiffinnut naleqquttuussuseq aammalu inuussutissarsiuutigalugu pilersuisoq

Suliariumannittussarsiornerup ingerlannerani pingaarnertut pilersuisussamut aqutsisoqatigiit arlalinnik piunasaqaateqarput.

- Pingaarnertut pilersuisoq Kalaallit Nunaanni sumiiffinni suliffeqarfiuteqassaaq Februaarip 12. 2015 tusagassiuutitigut nalunaarutigineqarpoq (takuuk link) EG A/S ingerlatseqatigiiffimmik pigisaminik Kalaallit Nunaanni pilersitsissasoq. Aammattaaq isumaqatigiissutit malillugit "trainee- og gradutae-program" inerisarneqarpoq, Danmarkimi kalaallit ilinniagaqartut suliniutit uku Kalaallit Nunaanni inuussutissarsiornermut ikaarsaarfigisinnaanissaat qulakkeerniarlugu.

³ TELE POST A/S, Nukissiorfiit, Mittarfeqarfiit, KNI A/S, PISIFIK, RAL A/S, Air Greenland A/S allallu Microsoft AX assigiinngitsutigut ullumikkut atugaraat.

- Pingaarnertut pilersuisoq tassaassaaq, suliniutit siuariartornissaat iluatsinnissaallu qulakkeersinnaaniarlugit, suliffeqarfik isumannaatsoq siammasissunik piginnaaneqarfusoq aammalu immikkut ilinniarluarsimasunik sulisoqarluartoq. ERP-mik suliniutinit allanit misilittakkat takutippaat, pilersuisumik toqqaaneq teknikikkut atortunik toqqaanertulli pingaaruteqartigisoq, suliniutit iluatsinnissaannut atuutilersitsinerit naammassinissaannut aalajangiisuussammata.

Attaveqaqatigiinneq

Suliffeqarfinni angisuuni suliariumannittussarsiornerit aammalu nutaanik atuutilersitsinerit naammassinissaat imaannaanngitsuusarpoq. Ersarissumik aqutsineq aammalu allannguinnissamut piumassuseqarneq tunngaviussapput. Aamma pilersuisumit, suliassamik suliarinnittussaanngitsumit qisuariarneq naatsorsuutissaannaavoq, teknikikkut atortussamik suliariumannittussarsiornermilu toqqaaneqannginnermi assuarliinernik saqqummiussuineq. Tamannami aamma Kalaallit Nunaanni misigaarput kingullermik Namminersorlutik Oqartussani aamma Kommuneqarfik Sermersuumi IT-mut tunngasunik ingerlatsineq suliariumannittussarsiorneqarmat, Namminersorlutik Oqartussani atortussiaq F2 atuleneqarmat aammalu Peqqinnissaqarfimmi napparsimasut qarasaasiatigut nalunaarsortarfiat EPJ suliariumannittussarsiorneqarmat. Taamatut inissisimanerni immikkut pingaartuuvoq, uagut naalakkersuinerimik allaffissornermillu aqutsisutut aalajangeriikkanik aalajangiusimanissarput, taamaaliornikkullu suliniutit uku aalajangiisussat siuariarnissaat qulakkeerlutigu.'

Misissueqqissaarnerit aamma suliariumannittussarsiornerit uteqqinnissaat ukiunik arlalinnik kinguaattornerit malitsigissavaat, suliffeqarfinni nalornisitsillutik aammalu annertuunik aningaasartuutitaqassallutik. Kingullertut minnerunngitsumilli iluaqutissat pilerinartut ungasillerujussuassapput ilungersunartunik malitseqarlutik.'

Anda Uldum

/

Naalakkersuisoqarfimmi pisortaagallartoq Peter Hansen

Ilisimatitsineq una assilillugu Aningaasaqarnermut Akileraartarnermullu ataatsimiititaliamut nassiunneqarpoq.

Ilanngussaq
Soqanngilaq